



Hvmanae Salvts Monvmenta

Arias Montano, Benito

Antverpiae, [1571?]

In tabulam exitus ex AEgypto. Ode Dicolas Distrophos XIII.

[urn:nbn:de:hbz:466:1-68924](https://nbn-resolving.de/urn:nbn:de:hbz:466:1-68924)

In tabulam exitus ex Ægypto.

ODE DICOLOS DISTROPHOS XIII.

ISACI pueri integri

Maturi innalidus cum senibus viri,
Mixta matribus ac nurus,
Et quantum populi est ordine ab infimo;

Maturate laboribus

Exire, atque lacu seruity grauis.

Aurum, & gemmea pocula,

Argenti & solidi vasa nitentia,

Textæ & vellera purpureæ,

Et quicquid spolijs possideat ferox

Diri progenies Chami,

Deuictis penitus diripite hostibus.

Nec clementia parcere

Cuiquam, nec statuat pignoribus modum:

Vestrum nam, panidi moræ,

Discessum rediment munere quolibet.

Suetos pondus iniquius

Compulsis humeris tollere sarcinas

Iam nunc non pigeat graneis;

Et vires cumulent diuitia nouas.

Summi hinc dextera numinis,

Hinc addant animos gaudia publica,

Sancti hinc auspicium ducis,

Qui vos è tenebris carceris horridi,

Duri atque imperio iugi

Ereptos retulit luminis in diem,

Arcanis meritam diem,

Dignam & perpetuis carminibus coli,

Vitæ munia libera

Quæ seruis renouat, quæ populi decus.

Summi consilium Dei,

Vos iam magnificis tollite laudibus:

Iam spem concipite optimam,

Iam sentite, fluant ut lenius dies.

EVANGELII EXEMPLUM.

'Nil non posse datum iis quorum pietasq; fidesq;
Prompta sequi cedit, qua vocat usque Deus.'



VERBO EFFICACI SAC.

In